



2018 yil " 11., avgust № 413

Farg'ona shahri

**Ўзбекистон Республикаси Президентининг
2018 йил 6 августдаги ПК-3901-сонли қарори тўғрисида**

2017-2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясига мувофиқ ҳамда жойларда бошқарув кадрлари малакасини оширишнинг сифатини яхшилаш, тингловчиларга ҳар томонлама қулай шарт-шароитлар яратишга қаратилган Ўзбекистон Республикаси Президентининг 2018 йил 6 августдаги "Ўзбекистон Республикаси Президенти ҳузуридаги Давлат бошқаруви академиясининг ҳудудий филиалларини ташкил этиш тўғрисида"ги ПК-3901-сонли қарори ижросини таъминлаш мақсадида

Қ А Р О Р Қ И Л А М А Н:

1. Ўзбекистон Республикаси Президентининг 2018 йил 6 августдаги "Ўзбекистон Республикаси Президенти ҳузуридаги Давлат бошқаруви академиясининг ҳудудий филиалларини ташкил этиш тўғрисида"ги ПК-3901-сонли қарори раҳбарлик ва ижро учун қабул қилинсин.

2. Ўзбекистон Республикаси Президентининг мазкур қарори билан:

Ўзбекистон Республикаси Президенти ҳузуридаги Давлат бошқаруви академияси (кейинги ўринларда Академия деб аталади) ва Олий ва ўрта махсус таълим вазирлигининг Гулистон, Қарши, Самарқанд, Урганч ва Фарғона шаҳарларида Академиянинг ҳудудий филиалларини (кейинги ўринларда ҳудудий филиаллар деб аталади) ташкил этиш тўғрисидаги таклифига розилик берилганлиги;

Ҳудудий филиалларда директор, бош мутахассис, бош методист ва техник ходим лавозимлари Ўзбекистон Республикаси Олий ва ўрта махсус таълим вазирлиги Касб-хунар таълими маркази тизимидаги таълим муассасаларининг умумтаълим фанлари ўқитувчиларининг 2018/2019 ўқув йилидан бошлаб қисқартирилиши ҳисобига ажратилиши белгиланганлиги маълумот учун қабул қилинсин.

Шунингдек, ҳудудий филиалларнинг асосий вазифалари этиб қуйидагилар:

замонавий шароитларда бошқарув кадрларининг касбий билим ва савиясига қўйилаётган талабларни ҳисобга олган ҳолда, жойларда давлат ва жамият бошқаруви соҳасидаги раҳбар кадрларнинг малакасини ошириш;

малака ошириш курслари тингловчиларида маҳаллий бошқарув ва ҳудудий ривожланиш соҳасидаги чуқур ва амалиётга йўналтирилган, шунингдек, стратегик режалаштириш, горизонтал ва вертикал муносабатлар

тизимига оид билимларни, давлат ва ҳудудий дастурларни ҳамда норматив-ҳуқуқий ҳужжатларни сифатли ижро этиш кўникмаларини шакллантириш;

маҳаллий давлат ҳокимияти органлари, давлат ва хўжалик бошқаруви органларининг ҳудудий тузилмалари, шунингдек, нодавлат нотижорат ва бошқа ташкилотларнинг бошқарув кадрлари ва масъул ходимлари учун вазирлик, идора ҳамда бошқа ташкилотларнинг раҳбарларини жалб этган ҳолда доимий асосда ўқув-амалий семинарларни ташкил этиш;

ўқув-амалий семинарлар доирасида тингловчиларда фаолиятни режалаштириш ва иш режалари (“йўл хариталари”)ни сифатли бажариш кўникмаларини шакллантириш;

малака ошириш курслари ва ўқув-амалий семинарлар жараёнида аниқланган муаммолар бўйича ахборот-таҳлилий материалларни тайёрлаш;

Ҳудудий филиалларга Академия ректори томонидан лавозимга тайинланадиган ва лавозимдан озод этиладиган, мақоми ва меҳнатга ҳақ тўлаш шарт-шароитлари бўйича Академиянинг факультет деканига тенглаштириладиган директор раҳбарлик қилиши белгиланганлиги;

ҳудудий филиалларда ўқишни ташкил этиш 1-иловага мувофиқ схема бўйича амалга оширилиши белгиланганлиги инобатга олинсин;

Маҳаллий давлат ҳокимияти органлари, давлат ва хўжалик бошқаруви органларининг ҳудудий тузилмалари, шунингдек, нодавлат нотижорат ва бошқа ташкилотларнинг бошқарув кадрлари ва масъул ходимлари таркибидан шакллантириладиган буюртмалар асосида ҳудудий филиалларда малака ошириш режалари Академия томонидан тасдиқланиши;

ҳудудий филиалларда ўқув жараёни замонавий таълим технологияларини татбиқ этган ҳолда бошқарув кадрлари кўникмаларини шакллантириш, интерфаол машғулотлар ва давра суҳбатларини мунтазам ўтказиш, ҳудудларда юзага келган муаммоларни таҳлил қилиш ва ҳал этиш асосида ташкил этилиши;

Тошкент шаҳри ва Тошкент вилоятидан ҳудудий филиаллардаги ўқув жараёнига юбориладиган шахслар ҳудудий филиалларнинг тегишли дастурлари асосида Академияда ўқитилиши;

ҳудудий филиалларда ўқув режадаги фанларни ўқитиш учун профессор-ўқитувчилар ҳамда мутахассислар штат ва соатбай асосда жалб этилиши;

ҳудудий филиаллардаги малака ошириш курсларида иш жойидан ажралган ҳолда таълим олаётган тингловчилар учун ўқиш даврида асосий иш жойидаги лавозими ва ўртача ойлик иш ҳақи сақланиши белгиланганлиги маълумот учун қабул қилинсин.

Ҳудудий филиаллар олий таълим муассасаларининг биноларида “ноль” ставкадаги ижара тўлови асосида ҳамда тегишли коммунал ва фойдаланиш харажатларини қопламаган ҳолда 2-иловага мувофиқ жадвал бўйича жойлаштирилганлиги;

2018 йил 1 сентябрдан бошлаб, малака ошириш курсларига машғулотлар ўтказиш учун соатбай иш ҳақи тўлаш шартлари билан жалб этиладиган

шахсларга соатбай иш ҳақининг миқдори белгиланган миқдорлардан 25 фоизга кўпайтирилганлиги;

шунингдек, Академия ректорига малака ошириш курсларига жалб этиладиган юқори малакали илмий-педагогик кадрларга ва тажрибали амалиётчи мутахассисларга:

уларнинг кўпи билан 20 фоизга ўқув машғулотлари ўтказганлиги учун соатбай иш ҳақи миқдорини белгиланган миқдорларидан 50 фоиз юқори этиб белгилаш;

шартнома асосида жалб қилинган бюджетдан ташқари маблағлар ҳисобидан ўқув машғулотлари ўтказганлиги учун соатбай иш ҳақининг миқдорини белгиланган миқдордан икки ярим бараваргача юқори этиб белгилаш ҳуқуқи берилганлиги;

ҳудудий филиалларда бошқарув кадрлари, шу жумладан, ишлаб чиқаришдан ажралмаган ҳолда давлат гранти ва тўлов-контракт асосида давомийлиги бир ойдан ошмаган қисқа муддатли дастурлар бўйича малака оширишлари;

ҳудудий филиаллардаги малака ошириш курсларига фақат маҳаллий давлат ҳокимияти органлари, давлат бошқаруви органларининг ҳудудий тузилмалари ҳамда бошқа давлат ташкилотларининг бошқарув кадрлари ва масъул ходимлари давлат гранти асосида қабул қилиниши;

ҳудудий филиаллар фаолиятини услубий таъминлаш ҳамда малака ошириш курслари ва ўқув-амалий семинарлар учун ўқув дастурларини ишлаб чиқиш Академия томонидан белгиланган тартибда амалга оширилиши;

ҳудудий филиаллардаги малака ошириш курсларидан муваффақиятли ўтган бошқарув кадрларига белгиланган намунадаги сертификатлар берилиши маълумот учун қабул қилинсин.

Ҳудудий филиаллар фаолиятини молиялаштириш манбалари этиб куйидагилар:

Ўзбекистон Республикаси Давлат бюджети маблағлари;

хўжалик фаолиятдан ва шартнома асосида хизматлар кўрсатишдан тушадиган тушумлар;

жисмоний ва юридик шахсларнинг ҳомийлик хайриялари;

қонун ҳужжатларида тақиқланмаган бошқа манбалар белгиланганлиги инобатга олинсин.

3. Вилоят ҳокимининг ўринбосари И.Носиров, Ташкилий-назорат гуруҳи раҳбари Д.Ўринов, Фарғона давлат университети (Р.Максудов):

малака ошириш даврида бошқа ҳудудлардан келган тингловчилар, профессор-ўқитувчилар ва мутахассисларга Фарғона давлат университетининг ётоқхоналаридан яшаш учун белгиланган тартибда жой ажратилишини;

тингловчилар Фарғона давлат университетининг ахборот-ресурс марказидан белгиланган тартибда фойдаланишини ташкил этсин.

4. Вилоят ҳокимининг ўринбосари И.Носиров Фарғона давлат университети (Р.Максудов) билан биргаликда:

Академиянинг талабномаси бўйича 2018 йилнинг 15 августига қадар филиалда малака ошириш курсларини ташкил этиш ва жойлаштириш учун керакли хоналарни таъмирланг-тикланг ишларини амалга оширган ҳолда ажратилишини таъминласин;

худудий филиаллар фаолиятини амалга ошириш учун доимий равишда зарур ташкилий-методик ёрдам кўрсатсин.

5. Ахборот технологиялари ва коммуникацияларини ривожлантириш вазирлиги Фарғона вилояти худудий бошқармаси (Х.Курбонов), Фарғона давлат университети (Р.Максудов), Ахмад Фарғоний номидаги вилоят ахборот-кутубхона маркази (Ш.Аслонов) ўн кун муддатда:

филиалнинг замонавий ахборот-телекоммуникация воситалари билан жиҳозланиши ва доимий равишда бутунжаҳон ахборот Интернет тармоғига уланишини;


филиалнинг республика худудларидаги иштирокчилар ҳамда Академия билан ўзаро видеоконференциялар ва масофавий тренинглар ўтказиш учун “Электрон таълим” миллий тармоғига уланишини;

филиалнинг Ахмад Фарғоний номидаги вилоят ахборот-кутубхона фондига доимий равишда электрон уланишини таъминласин.

6. Вилоят ҳокимининг ўринбосари И.Носиров Ташкилий-назорат гуруҳи раҳбари Д.Ўринов, Фарғона давлат университети (Р.Максудов), Ахмад Фарғоний номидаги вилоят ахборот-кутубхона маркази (Ш.Аслонов) билан биргаликда филиалга малака ошириш курслари ва ўқув-амалий семинарларни самарали ташкил этиш бўйича ҳар томонлама ёрдам берилишини таъминласин.


7. Мазкур қарорнинг ижросини назорат қилишни ўз зиммамда қолдираман.

Вилоят ҳокими



Ш.М.Ғаниев.

Ўзбекистон Республикаси Президентини хузурадаги Давлат бошқаруви академиясининг
 хуудий филиалларида ўқиниши ташкил этиши
 СХЕМАСИ



Ўзбекистон Республикаси Президентини хузуридаги Давлат бошқаруви академияси худудий филиалларини
олий таълим муассасаларининг биноларида “ноль” ставкадаги ижара тўлови асосида ҳамда тегишли
коммунал ва фойдаланиш харажатларини қоплагаи ҳолда жойлаштириш
ЖАДВАЛИ*

Т/р	Худудий филиалларнинг номланиги	Олий таълим муассасининг номи	Қамраб олинадиган худудлар
1.	Гулистон худудий филиали	Гулистон давлат университети	Жиззах ва Сирдарё вилоятлари
2.	Қарши худудий филиали	Қарши давлат университети	Қашқадарё ва Сурхондарё вилоятлари
3.	Самарқанд худудий филиали	Самарқанд давлат университети	Бухоро, Навоий ва Самарқанд вилоятлари
4.	Урганч худудий филиали	Урганч давлат университети	Қорақалпоғистон Республикаси ва Хоразм вилояти
5.	Фарғона худудий филиали	Фарғона давлат университети	Анджон, Наманган ва Фарғона вилоятлари

* Худудий филиаллар фаолият юритиши учун 1 та маъмурий хона, 1 та ўқув ёрдамчи хона ва ўқув машғулотлари учун 3 та (хар бирининг сифими 30 та тингловчига мўлжалланган) аудиториялар ажратилади.

